



大宋新譯三藏聖教序

御製

八千

大矣哉我佛之教也化導群迷闡揚
 宗性廣博宏辯英彥莫能究其言精
 微妙說庸愚豈可度其源義理幽玄
 真玄莫測包括萬象譬喻無垠綜法
 網之紀綱演無際之正教拔四生於
 苦海譯三藏之秘言天地變化乎陰
 陽日月盈虧乎寒暑大則說諸善惡
 細則比於恒沙含識萬端弗可盡述
 若窺像法如影隨形離六情以長存
 歷千劫而可久須彌納藏於芥子如
 來坦蕩於無邊達磨西來法傳東土
 宜揚妙理順從指歸彼岸菩提愛河
 生滅用行於五濁惡趣拯溺於三業
 途中經垂世以難窮道無私而永泰
 雲山貝葉若銀臺之耀目歲月煙蘿
 起香界之自遠巍巍罕測杳杳難名
 所以道資十聖德被三賢至道起於
 乾元衆妙生乎太易惚惚形類竅鑿
 昏明絕彼是非開茲蒙昧有西域法
 師天息災等常持四忍早悟三乘翻

貝葉之真詮續人天之聖教芳猷重
 啓運偶昌時潤五聲於文章暢四始
 於風律堂堂容止穆穆輝華曠劫而
 昏墊重明玄門昭顯軌範而弥光妙
 法淨界騰音利益有情俱登覺岸無
 成障礙救諸疲羸冥昧慈悲法汗物
 表柔伏貪恨啓滌昏愚演小乘聲聞
 合其儀論大乘正覺立其性合靈悟
 而蒙福藏教缺而重興幻化迷途火
 宅深喻雖設其教不知者多善念生
 而無量潛臻惡業興而隨緣皆墮調
 御四衆積行十方澍花雨於金輪護
 恒沙於玉闕有頂之風不可壞無際
 之水弗能漂澄寂澹然圓明清淨之
 智慧性空無染妄想解脫之因緣可
 以離煩惱於心田可以得清涼於宇
 宙朕慙非博學釋典微聞豈堪序文
 以示來者如縻瑩燭火不足比之於
 皎日將微蠹量海未能窮盡於深淵
 者哉

增慧陀羅尼經

吳郡三藏朝散李誠鴻臚卿奉詔撰

如是我聞一時大慧菩薩住須弥山

增慧陀羅尼經

第三卷

增慧陀羅尼經

頂余時諸天子等來詣菩薩恭敬圍繞而為聽法時有菩薩名童子相合掌恭敬白大慧菩薩唯願慈悲為我等故說增慧陀羅尼所有一切少智鈍根愚昧衆生今使得聞增彼智慧時大慧菩薩即為宣說陀羅尼曰

恒你也二合他引唵引閉祖閉祖鉢囉二合倪也二合嚩哩馱二合你惹囉惹囉彌馱二合引嚩哩馱二合你地哩地哩沒弟嚩哩馱二合你娑嚩二合賀引

尔時大慧菩薩說此陀羅尼已告童子相言若諸衆生智慧鈍劣根性暗昧多所忘失發志誠心於此增慧陀羅尼受持讀誦書寫供養此人速得廣大智慧明記不忘若人以此真言誦七遍或二七遍加持水三合於知時飲日日如是飲至七箇月或八箇月自然日記千頌如不恒飲水亦能日記五百頌智慧漸增根性明利尔時童子相菩薩及諸天人信受奉行

增慧陀羅尼經

增慧陀羅尼經

校勘記

- 一 底本，金藏廣勝寺本。
- 一 四六七頁中一行至本頁下二〇行序文，諸本無。
- 一 四六七頁下二一行經名，石作「增慧陀羅尼經一卷」。卷末經名同。
- 一 四六七頁下二二行譯者，資、續、善作「三藏傳法大師臣施護奉詔譯」；南、經作「宋三藏傳法大師臣施護奉詔譯」；清作「宋西天譯經三藏朝散大夫試鴻臚卿傳法大師施護奉詔譯」。
- 一 四六八頁上一三行「志誠」，經、清作「至誠」。